

## Жаннат меваларини биласизми?



16:00 / 03.09.2021 4718

Олма ейиш учун олма кўчатини олгани бозорга бориб, уни сотиб олиш керак. Кўчатни кўтариб, уйга келиш керак. Ҳовлининг бирор жойига ўша кўчатни экиш керак. Кейин вақтида сув қуйиб, тагини чошиб, юмшатиб, дориларни солиб, парвариш қилиш керак. Орадан бир неча йил ўтиб, кўчат ҳосилга киради. Пишган олмани кўчатдан узиш керак. Агар кўчат баландлаб кетган бўлса, унга чиқиш учун нарвон топиш керак. Олмани узгач, ювиш керак. Ана шундан сўнг кесиб ёки тишлаб ейилади.

Ёки тайёр олмани сотиб олиш учун бозорга бориш керак. Сотиб олгани ҳамёнда пул бўлиши керак. Пул топиш учун меҳнат қилиш керак. Олмани сотиб олгач, кўтариб, уйга олиб келиш керак. Кейин ювиб, кесиб ёки тишлаб ейилади.

Бу дунёда мева емоқчи бўлганимизда қиладиган ишларимиз шундай.

Кимдир олдимизга тайёр ювилган, кесилган меваларни қўйган бўлса ҳам, барибир унга қўл чўзишимиз керак.

Жаннатда мева емоқчи бўлсак-чи? Унда нима қиламиз? Ҳеч нарса қилмаймиз. Олма ёки бирор мева егимиз келса, кифоя.

Аллоҳ таоло Қуръони Каримда шундай деб марҳамат қилган:

## ﴿نَادِيَّتِنَا الْجَنَّةِ﴾

«**Икки жаннат мевалари яқин бўлган...**» (Роҳман сураси, 54-оят).

Яна бир оятда бундай деган:

## ﴿يَنَادِي بِنَادٍ هُوَ وَطِيقٌ﴾

«**Унинг мевалари яқиндир**» (Ал-Ҳааққоҳ сураси, 23-оят).

Бошқа бир оятда бундай дейилган:

## ﴿إِلَىٰ لَدَاتِ هُوَ وَطِيقٌ تَلَلٌ دُوَّ أُلَّالِ طَمَّ هِيَ لَعَّ هِيَ نَادٍ﴾

«**Ва устиларига у (жаннат)нинг соялари яқиндир ҳамда унинг мевалари жуда ҳам осон қилингандир**» (Инсон сураси, 14-оят).

Оятлардан кўриниб турибдики, жаннат мевалари уни еувчиларга яқин ва осон қилиб қўйилган. Улар ҳеч бир қийинчиликсиз, муаммосиз улардан ейдилар.

Дунёдаги мевалар еган сари тугайди. Бозорга бориб мева сотиб олсак ҳам бозордаги барча меваларни сотиб олмаймиз, балки ўзимизга керакли миқдордагисини сотиб оламиз. Мабодо бозордаги барча меваларни сотиб олган тақдиримизда ҳам улар барибир тугайди. Аммо жаннат мевалари ҳеч қачон тугамайди. Аллоҳ таоло бу ҳақда шундай деб марҳамат қилган:

## ﴿عَوْنٌ مَّمَّ الْوَعْوُوقَمَّ أَلَّ رِيَّتِكَ هُوَ كَأَفَّ﴾

«**Серб мевалардадир. Тугамайдиган ва ман қилинмайдиганлардадир**» (Воқеа сураси, 32-33-оятлар).

Яъни, жаннат меваларини шох ҳам, тикан ҳам, узоқлик ҳам ман қилмайди. Уларни ейишда ҳеч қандай тўсиқ ва муаммо бўлмайди.

Пайғамбаримиз соллаллоҳу алайҳи васаллам бир ҳадисда шундай деганлар:

«**Агар киши (жаннатда) бир мевани узиб еса, (ейилган меванинг) ўрнига бошқаси келади**» деганлар.

*Имом Ҳоким ривояти.*

Бозорда баъзан биз истаган мева топилмай қолиши мумкин. Қиш фаслида ёғингарчилик кам бўлиши ёки совуқ қаттиқ келиши сабаб бўлиб, мевалар

нобуд бўлиши мумкин. Натижада биз кўнлимиз тусаган, яхши кўрган мевани тополмаслигимиз ҳеч гап эмас. Жаннатда эса бундай бўлмайди. Аллоҳ таоло бу ҳақида шундай деб марҳамат қилади:

﴿نُورِيَّ حَتَّىٰ أَمِّمَ ءَوَكَافَ وَ﴾

**«Ва улар хоҳлаган мевалар билан»**(Воқеа сураси, 20-оят).

Аллоҳ таоло бу оятда жаннат аҳли жаннатда истаган, егилари келган, кўнгиллари тусаган меваларни ейишлари, жаннатда хизмат қиладиган йигитлар уларга истаган меваларини ҳозирлаб туришлари ҳақида хабар берапти.

Бу каби битмас-туганмас, еювчига яқин келадиган мевалардан истаганча ейиш учун нима қилишимиз керак? Бу ҳақда Аллоҳ таоло Қуръони Каримда шундай баён қилган:

﴿اُوْبَرِّشْ اَوْ اُولُكْ ﴿نُوْهَتْ شَيْ اَمِّمَ ءَوَكَافَ وَ﴾ ﴿نُوْيُغَّوْلَ اَلْطَّيْفِ نَيَّقُتُّمْلَانِ ﴿﴾  
﴿يَنْسُخُ مَلَايِزَجْنَ كَلَدَكْ اَنَّا ﴿﴾ ﴿نُوْلَمَّغَتْ مُتْنُكْ اَمِّمَ اَيَّيْنَ هَ﴾

**«Албатта тақводорлар соялар ва булоқлардадир. Ва ўзлари хоҳлаган мевалардадир. Енглар ва ичинглари, ош бўлсин. Қилган амалларингиз сабабидандир. Албатта, Биз муҳсинларни шундай мукофотлармиз».**(Мурсалат сураси, 41-44-оятлар).

Оятдан кўриниб турибдики, жаннатдаги гўзал неъматлар, мевалардан истеъмол қилишимиз, абадий роҳатга эришишимиз учун тақводор бўлишга, яъни Аллоҳнинг буюрганини қилиб, қайтарганидан қайтишга, муҳсин бўлишга, яъни яхшилиқ қилишга, эҳсон қилишга, Аллоҳни кўриб тургандек ибодат қилишга ҳаракат қилмоғимиз лозим.

Аллоҳ таоло барчамизни тақводор, муҳсин бандаларидан қилсин ва жаннат неъматлари билан ризқланишимизни насиб айласин!

**Нозимжон Ҳошимжон тайёрлади**